

IBhayibheli LaBantwana Likulethela

Indoda
Eyimfivilithi
Iba
Isisebenzi



Ibhalwe ngu: Edward Hughes
Kwabonakala ngu: Byron Unger; Lazarus
Ifanekiswe ngu: M. Kerr; Sarah S; Alastair P.
Itolikwe ngu: Goodwill Sithembiso Gwala
Ikhiqizwe ngu: Bible for Children

www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.


iLayisensi: Abantu bangazithathela noma bephrinte izinto kulendaba
egunyazwe ngokomthetho kodwa akumele bazidayise.




U-Isaka wayejabule kakhulu. Indodana yakhe uJakobe wayesebuyele ekhaya. Ngisho no iSawu wamamukele umfowabo lo ayethembise ukumbulala. Kodwa amadodana kaJakobe ayengejabule neze ngoba uJosefa, umfowabo omncane, wayemukhonzile kakhulu ubabawabo.




Obafo baJosefa bathukuthela kakhulu kunakuqala ngenkathi ebatshela ngephupho lakhe. "Isithungu sami sima phezulu futhi izithungu zenu zikhothamela isithungu sami." Leliphupho lalichaza ukuthi uJosefa wayezobaluleka okwedlula abafowakhe.



Ephusheni likaJosefa
lesibili, Ilanga, nenyanga
kanye nezinkanyezi
zakhothama kuyena.
Ngisho nobaba kaJosefa
wathukuthelela
ngokuzibeka ngaphezulu
kwabazali bakhe
nabafowakhe.




Ngelinye ilanga uJakobe wathuma uJosefa ezinsimini lapho abafowakhe babe lusa khona. Abafowakhe bamubona eza. "Asiyibulale lenyanga yamaphupho," besho behleba. UJosefa wayengayazi ingozi eyayizomehlela.




URubeni, omfowabo omdala waphikisa.
"Ningachithi gazi," esho ebayala. "Bukani,
nanku umgodini. Muphoseni efele khona!" URubeni
wayehlose ukumsiza uJosefa ngokuhlwa.



Wathi efika
uJosefa,
abafowakhe
bamubamba,
bamukhumula ingubo
yakhe enemikhono
emide le
ayeyithungelwe
uJakobe eyenzela
indodana yakhe
ayikhonze kakhulu.
Bamuphonsa
emgodini
omubi
kakhulu.




Ngenkathi uRubeni engekho,
kwaqhamuka ihele lamakameli
liya eGibhitha. "Asithengiseni
ngoJosefa," kumemeza
uJuda oyedwa wabafowabo.




Bathengisa
ngoJosepha
ngezinhlamvu
ezingamashumi
amabili.



Egcwele izinyembezi kanye nokwesaba, uJosefa wabuka engenakwenza lutho ngenkathi inqola yekameli imihudula imususa kubo kanye nase mndenini wakhe.





“Ngabe ingubo yaJosefa lena yini na? Igcwele igazi. Siyithole lena ebhuqwini.” Obhuti laba abanenhliziy o embi benza uJakobe akholwe ekuthi indodana yakhe ayikhonze kunazo zonke idliwe isilwane sasendle. UJakobe wadabula izingubo zakhe bese wakhala okokulila. Akekho owayengamududuza.






EGibithe, UJosefa wayesaba futhi enesizungu. Mhlampe wayelangazelele ikubo. Kodwa wayengenakuphunyuka. Waye isisebenzi endlini kaPatifari, umGibithe obalulekile. UPatifari wayebona ukutho uJosefa wayesebenza kanzima futhi wayethembekile.





“Konke okwenzayo kuyaphumelela,” uPatifari etshela uJosefa ngolunye usuku. “UNkulunkulu unawe. Ngifuna wena ube induna yezisebenzi, uphathe wonke amabhizinisi ube umphathi wazozonke lezi ezinye izisebenzi.”



Unkulunkulu wabusisa uPatifari
imvuno enhle kanye nemnotho
eminingi ngenxa yaJosefa.

UJosefa eseyindoda
ebalulekile, wayehlezi
ethemba futhi enza
intando yaNkulunkulu
ngokwethembeka.


Kodwa izinkinga
zamulandela uJosefa.




UmkaPatifari waye umuntu ongalungile. Wathi kuJosefa makathathe indawo yendoda yakhe. Wala uJosefa. Wayengeke azifake esonweni ngaphambi kwaNkulunkulu ngokwenza okungalungile kuPatifari.



Kwathi noma inkosikazi
izama ukumphoqa,
wabaleka. Kodwa
yamubamba,
kwasala ingubo.




"Isisebenzi sakho singihlaselile," kukhononda umkaPatifari. "Buka, nansi nengubo yakhe!" Wathukuthela uPatifari. Mhlampe weyazi ukuthi umkakhe wayenamanga. Kodwa kwakumele kube khona akwenzayo ngaloludaba. Wayezokwenze njani?



UPatifari wafaka uJosefa ejele.

Yize emsulwa, UJosefa wayengathukuthele futhi waye ngamuncu. Kungenzeka ukuthi wayefunda ebunzimeni

bakhe ukuthi ngisho kuthiwa ulaphi, uma edumisa uNkulunkulu, noNkulunkulu wayezomuphakamisa - ngisho nase jele.



Indoda Eyimfivilithi Iba Isisebenzi

Indaba evela kwiZwi laNkulunkulu, iBhayibheli,


Itholakala

Genesis 37-39

“Ukwambulwa kwaMazwi Akho kuyakhanyisa.”

AmaHubo 119:130





Yaphela



7



60



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

